

《淨土十疑論》 補充講表

◎附表三：

○諸佛菩薩以大悲為業，若欲救度眾生，祇應願生三界，於五濁三塗中，救苦眾生。

◆五濁（以下糅合《阿彌陀經要解》）

劫濁者，濁法聚會之時。

劫濁中，非帶業橫出之行，必不能度。

見濁者，五利使，邪見增盛。謂身見、邊見、見取、戒取及諸邪見，昏昧汨沒，故名為濁。

見濁中，非不假方便之行，必不能度。

煩惱濁者，五鈍使，煩惱增盛。謂貪、瞋、癡、慢、疑，煩惱動亂，故名為濁。

煩惱濁中，非即凡心是佛心之行，必不能度。

眾生濁者，見煩惱所感粗弊五陰和合，假名眾生，色心並皆陋劣，故名為濁。

眾生濁中，非欣厭之行，必不能度。

命濁者，因果並劣，壽命短促，乃至不滿百歲，故名為濁。

命濁中，非不費時劫，不勞勤苦之行，必不能度。

◆以下糅合《阿彌陀經要解講義》、《阿彌陀經要解親聞記》

◆濁：(一)昏亂、混亂。(二)骯髒、不清潔。

△劫濁：劫是時分。本來無有濁，因有四種濁法，聚會此時，是以成濁。

◆五利使：迷理而起之惑。使：煩惱。其惑性銳者利，遇境輒生分別，修道易斷，故名利使。

◆身見：即薩迦耶見。於五取蘊，執為「我」、「我所」，又名「我見」。一切見趣所依為業。

△見濁中，非不假方便之行，必不能度。

◆若非一心持名念佛，不容絲毫意見，不假參究觀想，諸餘方便之行，必不能得度。

△煩惱濁：五鈍使為體，煩惱惑增盛，即其相也。五鈍使：謂貪瞋癡慢疑，五種根本煩惱。

能生其餘枝末煩惱，惑亂眾生之心，故以煩惱增盛為其相。

◆根本煩惱有六，前五利使，即不正見根本煩惱，屬見惑。此五鈍使，屬思惑。以此五種之惑，能使眾生，造業受報，趣入生死，故名為使。比前五利，稍為重滯，是以曰：鈍。

◆五利使：即見惑，為迷理而起之惑。五鈍使：即思惑，為迷世間事而起之惑。

△煩惱濁中，非即凡心是佛心之行，必不能度。

◆若非持名念佛之行，即凡念成佛念，所謂是心作佛，是心是佛。非此行不能度煩惱濁也。

△命濁者，因果並劣，壽命短促，乃至不滿百歲，故名為濁。

◆見濁，煩惱濁，為因劣。眾生濁，為果劣。命濁：色心連持為體，催年減壽，即其相也。

△命濁中，非不費時劫，不勞動苦之行，必不能度。

◆十念念佛，能生極樂，故不費時劫。但持六字洪名，故不勞動苦。非此不能度娑婆短促壽命，而得西方無量壽也。（以下糅合《阿彌陀經要解》）

◆設非本師來入惡世，示得菩提，以大智大悲，見此、行此、說此，眾生何由稟此也哉！

然吾人

處劫濁中——決定為時所囿（音又，局限也），為苦所逼。

處見濁中——決定為邪智所纏，邪師所惑。

處煩惱濁中——決定為貪欲所陷，惡業所螫（音出亡，蜂、蠍等用尾針或毒鉤刺傷人畜。）。

處眾生濁中——決定安於臭穢，而不能洞覺（透澈地了解），甘於劣弱而不能奮飛。

處命濁中——決定為無常所吞，石火電光（比喻像閃電和石火，轉瞬間即逝），措手不及。

○第二疑——經云：「若求淨土，先淨其心；心淨故，即佛土淨。」此云何通？

※《大乘起信論裂網疏》卷第五云：「問：但離心垢，便見法身，何須念佛、觀佛、稱名、禮拜等？答：佛是先證我心性者，念之、觀之、稱之、禮之，皆是除心垢之妙方便也。」

※《大乘止觀法門》·止觀依止云：「如一切眾生，同修無量壽業者，皆悉薰於真心共相之性。性依薰起，顯現淨土，故得凡聖同受用也。」

※《大乘止觀述記》云：「同修無量壽業，謂同修往生阿彌陀佛極樂淨土之業。」性依薰起，

顯現淨土」八字，說盡念佛法要。謂本具之佛性，為無明覆障故，必依淨業

之薰力，薰令生起。所謂心想佛時，是心即是三十二相，八十隨形好，是故念他佛，即是念自佛也。然以積垢之身，非仗彌陀悲願，何能自拔！故一句萬德洪名，當如孩提之呼父母，心口宛轉，聲淚交迸，有非蒙垂手提攜不可之勢。如是真誠，方能薰起，顯現淨土。所以念自佛，必須念他佛也。」